

Канон преподобному Нестору Летописцу

Память празднуем 27 октября (9 ноября)

Тропарь, глас 4-й

Великих князей русских деяния и преподобных отец Печерских жития и чудеса написавый, свое же, Богомудре Несторе, многих ти ради добродетелей имя написано на Небеси стяжавый, моли и нам написаться в Книги Животных.

Ин Тропарь, глас 4-й

Времена и лета достопамятных деяний, подвиги и труды Богоносных отец, Несторе премудре, пишуя, любовью возгорелся еси последовати стопам первоначальных, с нимиже не престаи молитися Христу Богу, спастися душам нашим.

КАНОН, глас 4-й

Песнь 1

Ирмос: Лицы израильстии, невлажными стопами понт Чермный и влажную глубину прогнавше, всадники тристаты враги, видяще в ней погружены, с веселием пояху: поим Богу нашему, яко прославися.

Припев: Преподобне отче наш Несторе, моли Бога о нас.

Лицы иночестии, в летней памяти Богоносного отца стецитесь усердно к святей пещере и, любовью кланяющесе раце мощей Нестора любомудраго, воспойте Богу, яко во святых Своих славно прославися.

Преподобне отче наш Несторе, моли Бога о нас.

Лицом иноческим сочетающуся и в днешний день память твою воспети дерзающе, мне, паче всех грубейшему, молитвами твоими способствуй, Несторе святе, Бог бо в тебе дивно прославися.

Слава: Ликом Ангельским причтен быти хотяи, ликом равноангельным во плоти причтался еси, отче, от нихже Ангельскому житию научився, возшел еси к умному желанию: темже ты чтим, яко Бог в тебе дивно прославися.

И ныне: Лики святых и преподобных отец с лики Ангельскими предстояще, славите Родящую всех святых Святейшее Слово; славити же днесь Божию Матерь и нам земным помозите, Та бо от всех дивно прославися.

Песнь 3

Ирмос: Лук сильных изнеможе, и немощствующии препоясашася силою, сего ради утвердися в Господе сердце мое.

Преподобне отче наш Несторе, моли Бога о нас.

Предложение твоего ума бе, аки лук напряжен, отче, живый бо во юдоле сей плачевней, восхождение имел еси в сердце своем выну к Богу; и мне убо, жизнь свою ведущу выну в печалех, Несторе, помози, моляся о мне, да возвеселится о Господе сердце мое.

Преподобне отче наш Несторе, моли Бога о нас.

Седьмнадцатолетен сый, мысленне приял еси мужа совершенна возраст: просиял бо еси, аки в старческих сединах, дела благими, сия и во мне исправи, блаженне, и возвеселится о Господе сердце мое.

Слава: Чистота и смирение глубоко к нищете прием, возлетел еси, святе, аки крилома, на гору иноческих добродетелей; отнюдуже, усмотрив во мгновении ока переходящ мира сего образ, и паче в любовь Божию вперил еси сердце твое.

И ныне: Сад чистоты Родшая, плодом сего, верующих Тя быти Матерь Божию, напитала еси обильно; и мне убо, верую поклоняющемуся Тебе, Богоневестная Дево, даждь от сего плода поне мало вкусити, да печальное возвеселится сердце мое.

Господи, помилуй (трижды).

Седален, глас 4-й

От великих отец управлен в благая нравы и в юности весь Богови присоединився, плотския похоти умертвил еси пощением крепким, дух оживил еси надеждою благ вечных; Ангельски на земли пожив, со Ангелы ныне водворяешься, тем ты почитаем, Несторе блаженне.

Слава, и ныне: Страшных чудес несказанный образ вижду в Тебе, Пречистая Дево, яко Бога зачала еси и Необыменного объяла еси утробою Твоею, но какова се бысть тайна, не испытую, паче же верую и со страхом ублажаю Тя, поющи: радуйся, Бога Невместимаго пространное селение.

Песнь 4

Ирмос: Услышах славное смотрение Твое, Христе Боже, яко родился еси от Девы, да от лести избавиши зовущия: слава силе Твоей, Господи.

Преподобне отче наш Несторе, моли Бога о нас.

Услышав славная и предивная на горе Печерской, пришел еси тамо, преподобне, и, видев с огнем и росью низходящую благодать Божию в начале основания церкви, юн еще сый, со старцы воспел еси: слава силе Твоей, Господи.

Преподобне отче наш Несторе, моли Бога о нас.

Большую и совершеннейшую в души твоей скинию творя Духу Святому, любезным восприятием заповеди от Богоносных отец позлатил еси ону, Несторе святе: тем, яко в красный чертог, прииде и обитель в тебе сотвори Отец с Сыном и Духом.

Слава: Аки сладкое млеко, учение отец Богоносных прием, слово делом исполнил еси, блаженне, и исполнен был еси Вышняя Премудрости, юже и мы от писаний твоих чтуще, увеселяем души наша ведением на сих горах бывшая Божия благодати.

И ныне: Сладкое млеко покаяния и нектар Небесный умиления песни любовью Тебе приносящим, подаеши, Чистая Отроковице, яже и аз, страхом одержим, любовь же движим, приношу Ти, Владычице, и молю: услади сердце мое, Сладкаго Иисуса Христа моего родшая.

Песнь 5

Ирмос: От света пресекий первородный свет, яко во свете дела поют Тя, Христе, Содетеля, во Свете Твоем пути наша направи.

Преподобне отче наш Несторе, моли Бога о нас.

От свѣта лѣстнаго любвѣ удалѣвся, желаніем вожделѣл есі, Нѣсторе, великих отѣц стопам, нравом и учѣніям послѣдовати: сим даждь и нам прилежати, и во свѣте деяній оных молитвами твоими пути наша направи.

Преподобне отче наш Нѣсторе, моли Бѣга о нас.

Глубоким смиреніем огражден сый, преподобне, выотою тщеславія ходящаго врага низверг, ногами попрал есі; ходатайством твоим к Бѣгу, отче, даждь и нам смиреніе и во оном стопы наша направи.

Слава: Ангельски жизнь свою управльша, вси тя, аки Ангела Бѣжия, имѣяху; тем и на диаконский степѣнь взыти сподобился есі, в немже добре шѣствие свое управив, и наша пути во святыни, Нѣсторе, управи.

И ныне: Путь рѣждшая Жізни, Всесвятая Дѣво, стезями соблазн ходящих яко Милосѣрдая наставляеши на стези правды; и мене, заблуждающаго, Владычице, не презри, но яко рѣждшая Наставника заблуждшим, во Свѣте Его пути моя направи.

Песнь 6

Ирмос: Внегда скорбѣти ми, возопих ко Господу, и услыша мя Бог спасенія моего.

Преподобне отче наш Нѣсторе, моли Бѣга о нас.

В преподобии и правде чин свой управляя, храм Духу Святому весь сотворился есі, и, вшед в храм нерукотворенный, Престолу Вышняго предстоиши; и мене, хотящему быти тамо, молитвами твоими, отче, помози, молю тя, молитвенника спасенія моего.

Преподобне отче наш Нѣсторе, моли Бѣга о нас.

Краснаго сада Дѣлателя Небеснаго красное был есі прозябѣние, красными бо дѣлы украшен, благія плоды, ихже ныне благоуханіе обоняем, возрастил есі; молю убо тя, блаженне, подаждь сия в дар и мне от Бѣга Спаса моего.

Слава: От труда подвигов твоих, Нѣсторе преподобне, многія излив поты, напоил есі ниву души твоея и, израстив добродѣтелей класы, пожинаеши ныне рукояти, живый во вѣки в Небесных кровех; в нихже и мне быти моли Христа Спаса моего.

И ныне: Насѣянная Духом Отчим землѣ святая, радуйся, яко прозябла есі нам Древо благосеннолиственное; зноем мя страстей опаленна под сень онаго приведи, Владычице, молю Тя яко Ходатаицу спасенія моего.

Господи, помилуй (трижды). Слава, и ныне:

Кондак, глас 2-й

Яко сый Богоноснаго Феодосія ученик и истинный житія того подражатель, первый честных его мощей самовидец быти сподобился есі, яже с прочими святолепно пренес, наследил есі с темиже Царство Небесное, еже получитьи и нам, чтущим тя, Господеви молися.

Песнь 7

Ирмос: Авраамстии иногда в Вавилоне отроцы пещный пламень попраша, песнями зывающе: отец наших Бѣже, благословен есі.

Преподобне отче наш Нѣсторе, моли Бѣга о нас.

Авраамовым стопам послѣдуя, свѣте, исполненіем заповедей принѣсл есі, якоже он Исаака, чист ум Владыце, сего ради от жизни сея прешѣл есі в землю, точащую безконечную сладость, идеже и мне моли быти, Нѣсторе, собесѣднике Богоносных

отец наших.

Преподобне отче наш Несторе, моли Бога о нас.

От страстного мира сего преставлься, прешел еси в безстрастный мир, идеже в мире с сынами мира живый, и нас, в мире сем сущих, не отступай, моля Творца своего, да сопричастницы тебе будем, поюще: Боже, благословен еси.

Слава: Не уклонил еси сердца своего в словеси лукавствия в жизни сей многмятежней, преподобне, тем и воздушных духов лукавствия безмятежно прошед, к Небесным вратом доспел еси: яже и нам отверзти потщися молитвами твоими, да и мы с тобою поем: Боже, благословен еси.

И ныне: Уклонихся от стези правды и не хождая ногами моими на пути правы, но на стремнинах страстей заблуждающе, уязвих плесне моя тернием греха, обаче и храмляя, притекаю к Твоей благодати и молюся: Владычице, исцели мя, Ты бо еси души моея врачевание.

Песнь 8

Ирмос: В Вавилоне отроцы Божественною распалаеми ревностию, мучителя и пламене прещение мужески попраша и, посреде огня ввержени, орошаеми, пояху: благословите вся дела Господня, Господа.

Преподобне отче наш Несторе, моли Бога о нас.

Силою духовною укреплен, прелетел еси, Богомудре, крилома твоих добродетелей к Горним, и по летех сих живещи ныне, идеже лета не оскудевают, к намже и нам доспети моли, поющим: благословите, вся дела Господня, Господа.

Преподобне отче наш Несторе, моли Бога о нас.

От дому Божия Матере прешел еси, Несторе, в Дом Божий, всеветящийся Иерусалим, и, Ангелом в числе граждан Небесных сожительствова, ходатайствуй и нам темже причтенным быти, в памяти твоей поющим песнями Господа.

Слава: Троическое Единое Естество: Отче, и Сыне, и Душе Святыи, Единое Царство, силу и власть имущее, нас от власти князя тьмы избави, молитвами Богоносных отец наших Печерских, с нимиже и Нестора приводим Ти в молитву днесь, благословяще Тя во веки, Господа.

И ныне: Троическому предстоящи Престолу, Мати Деве, и славу Трипостаснаго Божества выну зрящи, молися за ны грешныя, да и мы Небесныя Славы не лишимся, песнями Тя славяще и из Тебе рождаемого Господа.

Песнь 9

Ирмос: Рождество Твое нетленно явися: Бог из боку Твоею пройде, яко Плотносец явися на земли и с человеки поживе, Тя, Богородице, тем вси величаем.

Преподобне отче наш Несторе, моли Бога о нас.

Отшел еси в селения праведных и духом предстоиши Присносущному Свету; призри убо на ны, живущия в селех многмятежнаго мира, и пособствуй сущим во бранех, Несторе блаженне, яко песнями тя ныне величаем.

Преподобне отче наш Несторе, моли Бога о нас.

С нимиже любовь стяжал еси живый телом, с сими, и духом изшед, сожительствоваши не отлучен, якоже показывают мощи твоя, преподобне, со святыми в пещере лежащая, с нимиже предстани о нас молящихся Богу, память твою величающих.

Слава: Любит мѣлость и истину Господь, и ты, преблаженне, подобяся Тому, милостивый буди ходатай о спасении нашем, да тебе ради и мы, обретше благодать, не отпадѣм вѣчныя славы, яко успение твое святое пѣсньми величаем.

И ныне: Любит всех Владыка ходатайство Твое, Пречистая Дѣво, и молитвы Твоя о человечестем родѣ приѣмлет; молися убо и о нас, рабѣх Твоих, Всецарице, да улучим мѣлость в день Судный, вѣну бо Тебѣ яко Ходатаицу, кланяющесе, величаем.